



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**

**RAPORTI I EKSPERTIT SHQYRTUES**

Visar Basha	25.11.2020	07.12.2020
-------------	------------	------------

**1. BAZA LIGJORE E SHQYRTIMIT**

Me datën: 23.11.2020, OE “Ejona”, ka parashtruar ankesë me nr: 1000/20, kundër njoftimit për dhënie të kontratës ku është rekomanduar për kontratë OE “Rima Engineering”, lidhur me aktivitetin e prokurimit: “Vendosja, rregullimi dhe riparimi i ashensorëve”, me nr. të prokurimit: 616-20-2517-5-2-1, iniciuar nga Autoriteti Kontraktues (AK) – Komuna Prishtinë.

Autoriteti kontraktues ka zbatuar procedurë të hapur, lloji i kontratës: punë, vlera e parashikuar e kontratës: 200,000.00€.

Datat për fazat e ndryshme të procedurës së tenderit deri në ankesë janë si në vijim: Data e njoftimit për kontratë: 11.06.2020, data e hapjes së ofertës: 07.07.2020, data e vendimit për dhënien e kontratës: 03.11.2020, data e njoftimit të me letër standarde: 03.11.2020  
Ankesa është e përsëritur.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

**2. PRETENDIMET ANKIMORE**

OE ankues, ne ankesën e tij ka pretendime lidhur me ofertën të rekomanduarit për kontratë, për të cilin pretendon se nuk i ka plotësuar kërkesat e kapacitetit teknik dhe profesional, pastaj pretendon se edhe kërkesa nuk i plotëson konkretisht lidhur me përvojën e stafit profesional të kërkuar në dosje të tenderit dhe në fund pretendon se nuk i ka respektuar dispozitat e LPP-se, konkretisht nenit 72 të LPP-se, lidhur me dëshmimin e dorëzuar nga i rekomanduari për kontratë gjatë fazës së rivlerësimit.

**3. FAKTET E RASTIT TË RËNDËSISHME PËR PRETENDIMET**

Kapaciteti Teknik dhe Profesional:

Kërkesa:

1. Operatori ekonomik duhet të ofrojë dëshmi se ka përfunduar me sukses kontratë të kësaj natyre në vlerë minimale prej 300,000 Euro, në 3 (tre) vitet e fundit (duke filluar nga data e publikimit të njoftimit për

Raporti i ekspertit shqyrtues, lidhur me ankesën e parashtruar nga OE “Ejona” - Prishtinë, lidhur me aktivitetin e prokurimit: “Vendosja, rregullimi dhe riparimi i ashensorëve”, me nr. të prokurimit: 616-20-2517-5-2-1, iniciuar nga Autoriteti Kontraktues (AK) - Komuna Prishtinë.



kontratë).

Deshmia:

1.OE duhet të plotësoj dhe dorëzoj një listë të kontratave të realizuara, duke plotësuar Aneksin 7 të Dosjes së Tenderit ku duhet saktësuar titullin e kontratës, shumën e kontratës, datën e fillimit dhe datën e përfundimit dhe përfituesin, si dhe listës të bashkëngjiten certifikatat për kryerje të punëve.

Kerkesa 2:

a.)Inxhinier i diplomuar ose bachelor i elektroteknikes. Minimumi 5 vite përvojë pune pas diplomimit. Duhet të ketë menaxhuar së paku 3 kontrata të natyrës së ngjashme.

b.)Inxhinier i diplomuar ose bachelor i makinerisë. Minimumi 5 vite përvojë pune pas diplomimit. Duhet të ketë menaxhuar së paku 3 kontrata të natyrës së ngjashme.

c.) 3 ekiye me nga 2 teknikë. Minimumi 3 vite përvojë pune në punë të ngjashme.

Deshmia 2:

2.CV-a, Diploma, Kontrata e punës me punëdhënësin ose marrëveshja mbi angazhimin për këtë projekt. Referenca për punët e mëparshme në lëmin e kërkuar të lëshuara nga punëdhënësit për inxhinierin e elektroteknikës dhe inxhinierin e makinerisë.

#### 4. RAPORTI I KOMISIONIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:

OE ankues është i përgjegjshëm

OE i rekomanduar për kontratë është i përgjegjshëm

#### 5. VENDIMET E MËPARSHME LIDHUR ME RASTET E NGJASHME

N/A

#### 6. ARSYETIMI PËR DEVIJIM NGA PRAKTIKA E MËPARSHME

N/A

#### 7. VLERËSIMI I PRETENDIMEVE TË NDRYSHME TË ANKESËS

##### Pretendimi nr.1

Eksperti shqyrtues, sqaron se AK-ja, pas pranimit të vendimit të PSH-se, e ka kthyer në rivlerësim aktivitetin e prokurimit në fjalë dhe sipas udhëzimeve të dhëna në raportin e ekspertizës dhe vendimi të PSH-se nr. 618/20, AK-ja ka kërkuar sqarime lidhur me mungesën e dokumentacionit dhe informacionit që ka munguar në ofertën e të rekomanduarit për kontratë.

Konkretisht AK-ja, ka kërkuar deshmë lidhur me referencat e stafit të cilat në përgjigje të kërkesës së AK-se, OE i rekomanduar për kontratë me datën: 30.10.2020, i ka dorëzuar të gjitha deshmët sipas kërkesës së AK-se.

Eksperti shqyrtues, pasi i ka analizuar deshmët e prezantuara në sistemin e E-prokurimit, deshmët e dorëzuara nga i rekomanduari dhe në përgjigje të pretendimit të OE ankues, vlerëson se i rekomanduari për kontratë ka dorëzuar deshmë në kundërshtim me paragrafin 3 të nenit 72 të LPP-se, për faktin se disa nga deshmët/referencat që i ka prezantuar mbajnë datën 15.10.2020 dhe poashtu ka deshmë të cilat e kanë datën e fiksuar 30.10.2020.

Raporti i ekspertit shqyrtues, lidhur me ankesën e parashtruar nga OE "Ejona" - Prishtinë, lidhur me aktivitetin e prokurimit: "Vendosja, rregullimi dhe riparimi i ashensorëve", me nr. të prokurimit: 616-20-2517-5-2-1, iniciuar nga Autoriteti Kontraktues (AK) - Komuna Prishtinë.

OE ankues poashtu pretendon se ne deshmit e dorezuara me daten: 30.10.2020, OE i rekomanduar ka dorezuar edhe nje reference e cila nuk ka qene fare ne listen e kontratave, eksperti shqyrtues, vlereson se qendron ky pretendim, mirepo sqaron se nuk ka asnje efekte fakti qe kjo reference nuk eshte e shenuar ne listen e kontratave, por fakti qe e njejta deshmi mban daten: 15.10.2020, e ben te pavlefshem dhe ne kundershtrim me nenin 72.3 te LPP-se dhe njeherit sqaroj se keto deshmi nuk eshte dashur te merren parasysh nga ana autoriteti kontraktues.

Sa i perket pretendimit se stafi profesional nuk e permbush kerkesen e dosjes se tenderit dhe te njoftimit per kontrate lidhur me pervojen e stafit, qendron per faktin se perkunder mundesise se dhene gjate fazes se rivleresimit OE i cili eshte edhe me cmim me ulet nuk ka arritur te deshmoj se i njejti i ploteson kerkesat e dosjes se tenderit dhe te njoftim per kontrate.

Ne fund eksperti shqyrtues, vlereson se pretendimet ankimore te OE ankues te parashtruar ne ankesen e tij jane te qendrueshme dhe njeherit sqaroj se dokumentet e prezatuara nga i rekomanduari per kontrate jane ne kundershtrim me nenin 72.3 te LPP-se ku thuhet: Sigurimi i informacionit qe mungon ose ofrimi i informacionit do te aplikohet vetem per dokumentet ekzistenca e te cilave eshte e fiksuar, para skadimit te afatit per dorëzimin e tenderëve, dhe mund te verifikohet ne menyre objektive.

Ne rastin konkrete deshmit mbajne daten 15.10.2020 dhe 30.10.2020 qe i bie se disa nga keto deshmi jane mbi pesë (5) muaj pas dorezimit/hapjes se ofertave dhe njeherit eksperti shqyrtues, sqaron se disa nga keto deshmi i bashkangjes si prova me kete raporte.

## 8. MENDIMI I EKSPERTIT SHQYRTUES

Bazuar ne sqarimet e lartpermendura, eksperti shqyrtues i propozon panelit shqyrtues qe ankesa e OE ankues te aprovohet si e bazuar, ndersa vendimi i AK-se per dhënie te kontrates te anulohet dhe lenda te kthehet ne rivleresim.

Raporti i eksperizës ti dorëzohet:

- |                           |                     |
|---------------------------|---------------------|
| - Autoritetit Kontraktues | - KOMUNA PRISHTINË. |
| - Panelit Shqyrtues       | - OSHP.             |
| - OE ankues               | - EJONA.            |



**FISI GOLD SHPK**

Prishtinë

**Rr.Agim Ramadani,Nr. 18/3,**  
Prishtina 10000, Republika e Kosovës

Datë  
**15/10/2020**

**Për të gjitha palët e interesuara**

**Letër Rekomanduese**

**Fisi gold Sh.P.K.** dhe **O.E."Rima Engineering"Sh.P.K.**, me Numër Unik Identifikues: 810487539,  
Prishtinë, kanë nënshkruar Kontratën për Furnizime dhe montime:

Titulli i Kontratës: **"Furnizimi dhe montimi i ashensorit Hotilerik"**

Kontrata është nënshkruar me date: 26.02.2020.

Vlera e kontratës është: **29,800.00€.**

Konfirmojmë se kontrata është implementuar dhe furnizimet janë liferuar dhe montuar me sukses,  
duke u mbikqyrur nga dy Inxh. pergjegjes Vehbi Selmani - Makineri dhe Salih Gjonbalaj - Elektrike

Ju lutem për çfarëdo informate shtesë të na drejtoheni lirisht.

Sinqerisht,

**Fisi Gold Shpk.**

Email: [fisigold@gmail.com](mailto:fisigold@gmail.com)

**Fisi - Gold**  
Jewellery & Gold  
AGIM RAMADANI 18/3  
PRISTINE

**DEKLARATË NËN BETIM**Për: **Komuna e Prishtinës**Nga: **Rima Engineering LTD**

Prishtinë: 30.10.2020

Deklarojmë më përgjegjesi morale dhe materiale se Salih Gjonbalaj ka menagjuar në mënyrë të sukseshme pjesët energjetike të liftave, shkallëve lëvizëse, platformave të ndryshme, shiritave transportues në miniera për më shumë se 5 vite. Ai vazhdon edhe më tutje të kryej menagjimin e po të njejtave detyra në Rima Engineering.

Po ashtu deklarojmë me përgjegjesi morale dhe materiale se Vehbi Selmani që nga viti 2014 ka menagjuar në mënyrë të sukseshme pjesën mekanike të liftave, shkallëve lëvizëse, platformave të ndryshme dhe ka përvojë më shumë se 5 vite në menagjimin e kontratave dhe detyrave të natyrës së ngjashme dhe vazhdon edhe më tutje të kryej menagjimin e po të njejtave detyra në Rima Engineering.

Me poshte ju mund ti gjeni kontratat në të cilat ata kan qenë projekt menagjer dhe udhëheqës të sektorëve përkatës.

Shpresojmë në mirëkuptimin tuaj.

Ju faleminderit!

Me respekt,

**Rima engineering LTD.**

 **Fehmi Azemi, Drejtor**



TÜV Rheinland  
**CERT**  
ISO 9001



Prishtinë, Rr. Ali Viti, Tel/Fax +381 38 612 795, +381 38 612 940, +383 44 505 008, NRB:810521585, nartel1@gmail.com

NARTEL SH.P.K

Prishtinë

Rr. Ali Viti, Kalabri,

Datë: 15/10/2020

Prishtina 10000, Republika e Kosovës

Për të gjitha palët e interesuara  
**Letër Rekomanduese**

NARTEL Sh.P.K. dhe O.E. "Rima Engineering" SH.P.K., me Numër Unik Identifikues: 810487539, Prishtinë, kanë lidhurë Kontratën për Furnizime dhe montime:

Titulli i Kontratës: "Furnizimi dhe montimi i ashensorëve dhe eskalatorëve (shkallëve lëvizëse elektrike)", në Kompleksin afaristo banesor „Nartel Center“ në lagjen Lakrishtë  
Kontrata është nënshkruar me datë: 12.09.2019.

Vlera e kontratës është: 182,000.00€.

Konfirmojmë se kontrata është implementuar dhe furnizimet janë liferuar dhe montuar me sukses, duke u mbikqyrur nga dy Inxh. përgjegjës Vehbi Selmani - Makineri dhe Salih Gjonbalaj - Elektrik

Ju lutem për çfarëdo informate shtesë të na drejtoheni lirisht.

Singerisht,

Nartel Sh.pk.

044 505 008

Email: nartel1@gmail.com

